

Accusé de réception

Autor(en): **[s.n.]**

Objektyp: **Article**

Zeitschrift: **Le conteur vaudois : journal de la Suisse romande**

Band (Jahr): **3 (1865)**

Heft 6

PDF erstellt am: **19.09.2024**

Persistenter Link: <https://doi.org/10.5169/seals-177960>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*
ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

dre le train; après avoir serré cordialement la main à Monsieur le rédacteur, ils s'éloignèrent rapidement et arrivèrent en bonne santé à Grandson; ils se promettent de retourner au plus tôt à Lausanne; avis en sera donné aux lecteurs. (Un abonné.)

Lo conto d'au craizu.

(Suite.)

Vo sarai don onco, et sta est la plie forta,
On dzor que la Zabet iré sur noutra porta,
L'étaï l'hiver passà que fesai stu grand frai,
Yò en ne savai plie yò sé catzi lé dai,
Stu cor s'approuza, et poui sen deré porquié,
Apré quoquié résons, adon que l'ai marmotté,
Et avai fé lé tor que font lé Tzarlatans.
Volliai fourra sé dai deden son catzeman.....
Dité lo don, Messieux, ty per voutra conchence,
Se c'en est onn-acchon?
Se lo Souverain dit que çen sait onn-acchon,
Pachence!!

Vaitzé on ôtro tor que l'ai fe l'an passà,
Au qué n'é jamé pù dé san frai repensà, —

Lé fellie et lé valets s'étiân boutâ en tэта,
De s'allâ promenâ on certin dzor dé féta :
Coumen l'étiân setiet au coatzet d'on recors
Stu grivois l'embrassé per lo maitin d'au cors.
Noutra fellie qu'étaï dé couta ly setaie,
Est, den lo mémo ten, to d'on cou renversaye
Et poui, bredin, bredâ,... vo font lo batacu.
Tantou l'on est dézo, tantou l'otro est déssu.
Se bin que le montra, coumen vo paudé craire,
Dzerrotiré, dzénau,... to çen qu'on voliai verré!
Apré avai risquâ dé sé fére assomâ,
Le sé relaive-enfin avoué dou pi dé nâ.
Dité lo vai, Messieux, ty per voutra conchence,
Se c'en est onn-acchon?
Se lo Souverain dit que çen sait onn-acchon,
Pachence!!

Accutâ vai Messieux, en vaitzé onna terribliâ :
Le diablo n'en pau pâ fére onna pllie zorribliâ.
Vo prend de la verrière, et la pilé au mortai,
Que lo diablo l'ai pouisse dincé pila lé dai!!
Et poui, t'apporté çen den lo liy dé ma fellie,
Yò vo la dépouaira dû la tэта à la grellie,
Quand l'ai penso, Messieux! là, se vos aviâ vù
L'état yò sé trova adon son pouro....!!!!
Vos arai fé pedi, lo pouro miserablo!
L'énocen ne dai pâ pâti por lo coupablo.
L'é portant dza garri, mà de çen lo men
Que nos en a cotâ d'on bio pot d'égazen,
Dité lo vai, Messieux, ty per voutra conchence.
Se c'en est onn-acchon?
Se lo Souverain dit que çen sait onn-acchon,
Pachence!!

Lo conto d'au craizu per yò yé quemenci
Ne vos a pas étâ onco fé à demi.
Mè vé vo lo fini. — Messieux, vo paudé crairé
Qu'onna né que défi qu'on tza ussé pr-vairé,
Stu grivois venie avoué de sés amis,
Enveron la miné que n'étiâ ti drumis
Hormi noutra Zabet que sé pudzive-oncora.
L'ai crié, veni vai, vers mé on pou tot-ora,
Vos en prio, Zabet! yé ouquié de pressent
A vo coumenica; maude sai que vo ment!

Noutra fellie qu'à zu dé sa premire enfance
Por ti lé grands valets qué trau dé complièssance!
Car, tzn dé bouna race (à çen que tzacon dit)
Tzace soven solet sen qu'on l'ossé dressi.
Sen sé fére pressâ, le revité son chertrzo
Et déchent vers stu cor qu'étaï à noutron poertzo,
To lo drai soubçouny que l'iauai de l'ugnon!
Ne mé trompâvo pas, car stu fin compagnon,
Apré l'ai avai fé quoquié fossé caressé,
L'ai de que l'étaï ten dé fére dé promessé,
Que le dévai alla tzi son cousin Debret,
Yò troverai d'ai pliommé et l'écretéro pret :
Que n'arrai qu'à signi et que le dévai crairé
Que quand çen serrai fé l'ai bailleraï bin d'airé
Tot en l'ai dezen çen l'empougné per lo bré,
Fasen ti sé zeffor por la fa fére-alla lé.
Medai, quand le ve çen, le sé su bin défendré
En lo graffougnyen fer, l'ai dezen pi qué pendré.
Le cria, paire! paire! apportâ lo craizu!
Et dé voutr-otra man ne veni pas vouaisu.
Sauto fro dé mon liy sen boutâ mé culotté,
Prennio on bon bâton, ne dio pas que çefi cotté.
Empougnô mon craizu, frenno avô lés égrâ!!!
Savé ben qué stu cor ne m'en savai pas grâ. —
Quand ye fû su lo poent d'entrâ deden l'allaye,
Mon grivois que chentai quoquié malapanaye,
En arrovent qué fit, devant que l'usso vù
D'on coup dé son tzapé mé détient mon craizu.
Se bin que mé vailé sen verré onna gotta
Et poui, ma lampa bâ que sé toumavé tota!
Dité lo don, Messieux, ty per voutra conchence,
Se c'en est onn-acchon?
Se lo Souverain dit que çen sait onn-acchon,
Pachence!!

N'é pas lo tot; — quand vi ma lampa renversaye
Ye crû que ma Zabet étaï déshonoraye!?
Mè bouti à criâ, féna, dépatze lé
Et pren l'otro craizu, sauta frou en pentet!!
Le mé crai. — Den dou sauts ma féna sé présenté.
Stu compagnon qu'étaï catzi derrai dé brenté
S'avancé to d'on coup, et s'en la respettâ.
Paf, — d'on coup de tzapé vaitie lo craizu bâ!
Se ben que no vailé oncora sen lumière,
Sen savai yò allâ, crégnyen lés étriviéré! —
A la fin, lo galand, apré tot cé fracâ
Sé recouilly tzi ly, et s'en va sonica.
Content coumen on Rai d'avai vù noutra pouaire
Et de nos avai fé à ty veni la fouaire.

L'ai yé onco gâgny on rhommo violen
Que m'a bin tormentâ et que mé prend sovent.
Hom. Hom. —
Dité lo vai, Messieux, ty per voutra conchence,
Se c'en est onn-acchon?
Se lo Souverain dit que çen sait onn-acchon,
Pachence!!! —

Accusé de réception

M. Marius L., à Genève, reçu 4 fr. — M. Louis G., à St-Aubin,
reçu 4 fr. — M. Henri L., à Vevey, reçu 4 fr. — M. Gustave B., à
Fiez, reçu 4 fr. —

Pour la redaction : L. MONNET.